

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 07/10), član 15. stav 1 tačka f) Zakona o osnivanju Javne ustanove Institut za zdravlje i sigurnost hrane Zenica („Službene novine Zeničko-dobojskog kantona“, broj: 5/15 i 10/18), člana 37. stav (6) Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19) i Programa utroška sredstava budžeta za nabavku opreme veterinarskih laboratorija Instituta za zdravlje i sigurnost hrane Zenica u 2019. godini, broj: 02-14-15736/19 od 21.10.2019. godine, na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 37. sjednici, održanoj dana 27.12.2019. godine, d o n o s i

ODLUKU

o odobravanju isplate sredstava za nabavku opreme veterinarskih laboratorija “Instituta za zdravlje i sigurnost hrane” Zenica

Član 1.

(Predmet)

Odobrava se isplata sredstava Javnoj ustanovi „Institut za zdravlje i sigurnost hrane“ Zenica (u daljem tekstu: Institut) u ukupnom iznosu od 91.710,45 KM (slovima: devedesetjednahiljada sedamstotinadeset i 45/100 konvertibilnih maraka) za nabavku opreme veterinarskih laboratorija Instituta u 2019. godini, u skladu sa dostavljenom dokumentacijom nakon provedenog postupka javne nabavke.

Član 2.

(Analitička konta)

Odobrena sredstva iz člana 1. ove odluke isplatiti će se iz Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19 i 22/19), sa razdjela 23 - Ministarstvo za poljoprivredu, šumarstvo i vodoprivredu, budžetska organizacija 01, potrošačka jedinica 0001, ekonomski kod 615100, pozicija “Kapitalni transferi drugim nivoima vlasti - za Institut za zdravlje i sigurnost hrane”.

Član 3.

(Uplata sredstava)

Sredstva iz člana 1. ove odluke bit će isplaćena na račun Instituta, broj: 141-801-000193-7146 otvoren kod Bosna Bank International d.d. Sarajevo.

Član 4.

(Realizacija Odluke)

Za realizaciju ove odluke zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svoje nadležnosti.

Član 5.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-14-18792/19

Datum, 27.12.2019. godine

Z e n i c a

PREMIJER

Mirza Ganić

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x Institut za zdravlje i sigurnost hrane Zenica, putem Ministarstva,

1x „Službene novine Zeničko-dobojskog kantona“,

1x a/a.